



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

89. Ne contra veterem &c. Decretum quo declaratur Indulgentiam pro
feriis sextia mensis Martii dari solitam comprehendi sub clausula Volumus
autem &c. quæ in Brevibus Apostolicis apponi consuevit.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1714.

super illis integrè per eosdem Christifideles, per se ipsos, aut cum socio, vel familiari, qui eandem Indulgentiam consequatur, dicto, vel recitato septem annos, & totidem quadragenas.

Sanctissimus Dominus Noster Clemens XI. Pontifex Maximus in suo Brevis, quod incipit: *De salute Gregis Domini*: Dato 22. Septembris 1714. concedit omnibus, & singulis utriusque sexus Christifidelibus confessis, & sacra Communione refectis, ac pro Christianorum Principum concordia, hæresum extirpatione, ac S. Matris Ecclesiæ exaltatione orantibus, qui quotidie per integrum annum Coronam S. Brigittæ, dummodo sit saltem quinque decadum, recitaverint, semel in anno die per unumquemque Christifidelem eligenda plenariam Indulgentiam omnium peccatorum, cum facultate etiam eandem plenariam Indulgentiam applicandi animabus in Purgatorio exsistentibus.

Ad lucrandum hujusmodi Indulgentias requiritur, ut Coronæ à PP. Superioribus Monasteriorum, seu ab aliis Religiosis Ordinis Sanctissimi Salvatoris, seu S. Brigittæ ad id specialiter deputatis benedicantur.

DECRETUM.

S. Congregatio Indulgentiis, & S. Reliquiis præposita die 26. Novembris 1714. censuit permitti posse impressionem præsentis Summarii Indulgentiarum concessarum Coronis, quas vocant, S. Brigittæ, addita declaratione, quod omnes aliæ Indulgentiæ, quæ in præsentis Summario expressè non continentur, sunt aut Apochryphæ, aut nullæ, aut à Sanctissimo Domino Nostro Clemente XI. revocatæ per suprascriptum Breve datum die 22. Septembris 1714.

Prohibet insuper eadem Sacra Congregatio, ne hujusmodi Coronæ vendantur, aut alteri commodentur, & si fecus fiat, declarat suprascriptas Indulgentias cessare, & nullius esse roboris, vel momenti. Datum die 4. Decembris 1714.

L. Card. Picus Præfectus.

Raphael Cosmus de Hieronymis Secr.

DECRETUM.

VII.

Quo Summarius Indulgentiarum Regularibus Ordinis Sanctissimæ Trinitatis Redemptionis Captivorum, nonnullas continens Indulgentias ad quæstum damnatur, & prohibetur.

Quamvis Indulgentiæ omnes pro porrigentibus manus adjutrices non semel ab Apostolica Sede, signanter verò à S. Pio V. *Constit. 30.* quæ incipit; *Et si Domini Gregis dat. 6. Idus Februarii anno 1567.* revocatæ fuerint, Quæstoresque damnati, nonnulli tamen interdum docentes ea, quæ non oportet, Indulgentias ad quæstum evulgare præsumunt. Quapropter Sacra Congregatio Indulgentiis, sacrisque Reliquiis præposita huic malo occurrere cupiens, Summarius quoddam, cui titulus: *Breve Sommario delle principali grazie, & Indulgenze concesse alli Religiosi dell'Ordine Santissima Trinità della Redenzione degli Schiavi, delle quali godono tutti quelli, che portano il Scapulario, o vero Abitino, & visiteranno le Chiese, o Cappelle di dett'Ordine &c.* impressum Neapoli apud Hiacynthum Pittante anno 1703., ubi nonnullæ Indulgentiæ ad quæstum continentur, die 28. Januarii labentis anni 1716. sub pœnis in Indice librorum prohibitorum contentis damnandum censuit infimul declarando, Confraternitates à Superio-

Bullarium Romanum Continuatio Pars II.

1716.

ribus Ordinis Sanctissimæ Trinitatis Redemptionis Captivorum institutas, nullis aliis Indulgentiis gaudere, nisi illis, quæ expressè continentur in earum Summario, alias, nempe die 31. Januarii ani 1675, ad eadem Sac. Congregatione recognito, atque approbato, & deinde Romæ Typis R. C. Apostolicæ impresso anno 1682. Quibus Sanctissimo Domino Nostro per me Secretarium relatis, Sanctitas Sua Sententiam Sac. Congregationis probavit, & executioni mandari iussit. Datum die 11. Martii 1716.

L. Card. Picus Præfectus.

Raphael Cosmus de Hieronymis Secr.

Die, mensa, & anno quibus supra suprascriptum Decretum affectum, & publicatum fuit ad vasa Curie Innocentiana, ac in aliis locis solitis, & consuetis Urbis, ut moris est, per me Jo. Baptistam de Cappellis SS. D. N. PP. Curforem.

Bartholomæus de Camillis Mag. Curs.

DECRETUM.

Quo declaratur necessariam esse delationem Scapularii ad lucrandas Indulgentias concessas Sodalibus Confraternitatum Ordinis Sanctissimæ Trinitatis Redemptionis Captivorum.

VIII.

IN Sacra Congregatione Indulgentiis, sacrisque Reliquiis præposita habita die 28. Aprilis labentis anni 1716. relatis precibus P. Joannis à S. Francisco Procuratoris Generalis Fratrum Ordinis Sanctissimæ Trinitatis Redemptionis Captivorum Excalceatorum nuncupatorum Congregationis Hispaniæ humiliter postulantis declarari, an Sodales Confraternitatum sui Ordinis loco Scapularii, quod plerique gestare solent, exiguum panni albi frustulum, cui parvula Crux rubri, & cærulei coloris acu intexta est, vesti assutum deferentes, lucrari valeant Indulgentias concessas iis, qui Scapularium deferunt. Eminentissimi Patres declararunt, non lucrari. Datum die 29. Aprilis 1716.

L. Cardinalis Picus Præfectus.

Raphael Cosmus de Hieronymis Secr.

DECRETUM.

Quo declaratur Indulgentiam pro feriis sextis mensis Martii dari solitam comprehendere sub clausula. *Volamus autem &c.* quæ in Brevibus Apostolicis apponi consuevit.

IX.

NE contra veterem, & probatam in Ecclesiâ consuetudinem, Indulgentiarum numero nimis aucto, Ecclesiastica disciplina enervetur, sæpius in Brevibus apponi consuevit clausula illa: *Volamus autem, ut si alias Christifidelibus dictam Ecclesiam qualibet anni die visitantibus alia Indulgentia perpetua, vel ad tempus nondum elapsedam duratura concessa fuerit, presentes literæ nulla sint: Cum autem alias pro ejusdem clausulæ explicatione supplicatum fuerit, Sacra Congregatio Indulgentiis, sacrisque Reliquiis præposita declaravit, ea nullatenus comprehendere Altitia privilegiata pro Defunctis,*

P p

neque

neque Indulgentias, nisi certo Personarum generi concessas ut Confraternitatibus, Regularibus, & Capitulo, aut certum pium opus in ipsa Ecclesia peragentibus, ut Litaniis, aliisque huiusmodi recitantibus, de iis, qui Christianam Doctrinam erudiantur, vel alios erudiant, & qui Sanctissimi Eucharistia Sacramenti expositioni cum oratione quadraginta horarum intersint, neque Stationum Urbis, & septem Altarium Indulgentias ad instar septem Altarium Basilicae Vaticanae concessas neque deum, quae pro unica vice conceduntur. Ceterum si alia Indulgentia sive plenaria, sive non plenaria in perpetuum, vel ad tempus, tum ab eodem, tum ab alio Romano Pontifice generatim Christianis Ecclesiam, vel aliquod eius Altare, seu Cappellam visitantibus eodem die vel diverso concessa fuerit, de qua non fiat in literis Apostolicis mentio, has literas ob dictam clausulam esse prorsus irritas, ac nullas: ut expressè habetur in Decreto ab eadem Sacra Congregatione de super edito die 23. Junii anni 1673. Postea tamen eidem Sacrae Congregationi delatum fuit, non paucos esse, qui praedictum Decretum non rectè intelligentes sibi suadent, quod si in aliqua Ecclesia jam concessa reperiantur Indulgentiae, quae pro festis sextis mensis Martii dari solent, & postea in eadem Ecclesia alia Indulgentia concedatur cum appositione in Brevisupramemoratae clausulae: *Volumus autem &c.* Indulgentia, quae postremo loco data est, valida sit. Qua propter, ut omnis in posterum erroris occasio auferatur, eadem Sacra Congregatio habita die 18. Aprilis anni 1716. declaravit Indulgentiam ultimo loco ita concessam ob saepe dictam clausulam *Volumus autem &c.* literis Apostolicis insertam, esse nullam. Datum die 11. Septembris 1716.

L. Card. Picus Praefectus.

Raphael Cosmus de Hieronymis Secret.

D E C R E T U M.

X.

Quo Summarium quoddam Indulgentiarum Regularibus Ordinis Sanctissimae Trinitatis Redemptionis Captivorum Christianorum concessarum, ut continens quamplurimas falsas Indulgentias, prohibetur, ejusque usus interdicitur.

Decret Sac. Congregationem Indulgentiarum Sacrisque Reliquiis praepositam Indulgentias aut revocatas, aut falsas, & apocryphas detegere, atque prohibere, ut quae verae sunt, à Fidelibus dignoscantur, & circumspectè prospicere, ut omnis in re tam sacra turpis quaestus prorsus eliminetur.

Maturè itaque perpensò Summarium quoddam Indulgentiarum, quod inscribitur: *Breve Sommario delle principali grazie, & Indulgenze concesse alli Religiosi dell' Ordine della Santissima Trinita della Redenzione de Schiavi Christiani: delle quali godono tutti quelli, che portano il Scapolario, o vero Abitino, e visiteranno le Chiese, o Cappelle di detto Ordine, le quali Indulgenze sono state approvate da Sommi Pontefici, e di nuovo della fel. mem. di Papa Innocenzo XII. come si vede nella Bolla spedita l'anno 1693.* Et excipit sarranno privi di guadagnare le predette Indulgenze: impresso Neapolis anno 1716., in quo Summario, nedum quamplurimae Indulgentiae falsae continentur, verum etiam contra Apostolica Decreta pro earundem Indulgentiarum affectatione pecuniae solutio praescribitur. Sacra eadem Congregatio die 20. Decembris anni 1718. dicti Summarii Neapolis, ut supra impressi, vel denuo ubicumque imprimendi usum interdixit, illudque prohibuit sub poenis in Indice librorum prohibi-

torum contentis. Insuper declarando, nullis aliis Indulgentiis frui posse Confraternitates erectas, seu imposterum erigendas sub titulo Sanctissimae Trinitatis Redemptionis Captivorum, nisi illis, quae habentur in Summario alias Romae impresso, & ab eadem Sacra Congregatione approbato die 31. Januarii 1675.

Quibus per me Secretarium Sanctissimo Domino Nostro relatis, Sanctitas Sua Sententiam Sacrae Congregationis approbavit. Datum die 22. Decembris 1718.

J. D. Card. Parraccianus.

Raphael Cosmus de Hieronymis Secretarius.

Die 24. Decembris 1718. supradictum Decretum affixum, & publicatum fuit ad vobis Basilicae Principis Apostolorum, Montis Cimatorii, ac aliis locis solitis, & consuetis Urbis per me Bartholomaeum Cammili Apostolicum Cursorem.

Joannes Triphelius Mag. Curf.

D E C R E T U M.

XI.

Quo duo Summaria typis impressa, ut continentia nonnullas Indulgentias falsas, apocryphas, aut ab Apostolica Sede revocatas, prohibentur, eorumque usus interdicitur.

Cum Sacra Congregatio Indulgentiis, sacrisque Reliquiis praeposita, re maturè perpensa,prehenderit, nonnullas Indulgentias falsas apocryphas, aut ab Apostolica Sede revocatas contineri in Libello impresso per Carolum Josephum Astorinum anno 1712. Papiae, & Laude Pompeja, cui titulus: *Compendio della Regola del Terz'Ordine de' Penitenti del Serafico Padre S. Francesco confirmata da Papa Nicolo IV. nuovamente per commodità de Terziarii, e Terziarie, che oggidì si trovano sotto la protezione del medesimo Santo Padre, ristampato ad istanza delli Fratelli, & Sorelle di detto Ordine, eretto nell' Insigne Chiesa di S. Francesco di questa Città di Lodi, con l'aggiunta d'una breve notizia dell' Indulgenze, favori, & privilegi più conspicui concessi da Sommi Pontefici à quest'Ordine: & in quoddam Summario Indulgentiarum, edito Ulyssipone anno 1681. Typis Antonii Craesbech de Melo, quod inscribitur: *Summario do Thesouro Celestial das Indulgenças, graças, faculdades, & privilegios concedidos por mystos Romanos Pontifices ao Sagrado, & Apostolico Hospital de Santo Spirito em S. Graço, & Apostolico Hospital de Santo Spirito em S. Graço da Cidade de Roma, confirmadas ora novamente pelo Sanctissimo Papa Gregorio XIII. noſso Senhor: as quaes se concedem pelos Commissarios, Collectores, Deputados por este Santo Officio, à todos, & cada hum dos Fieis Christaos, que quizerem entrarna Santissima Confraria da Casa, & Hospital de noſso Senhora da Victoria desta Cidade de Lisboa: Eadem Sacra Congregatio die 29. Januarii anni 1720. censuit, libellum supra enunciatum, praedictumque Summarium prohiberi, illorumque usum interdici debere sub poenis in Indice Librorum prohibitorum contentis. Quam Sacrae Congregationis Sententiam per me Secretarium Sanctissimo D. N. relatum Sanctitas Sua approbavit die 31. ejusdem mensis. Datum 14. Februarii 1720.**

J. D. Card. Parraccianus.

Raphael Cosmus de Hieronymis Secretarius.